

نومرو : ۱۰۷

اداره خانه

ایستانبول، جفال اوغلی، دائره اجتهاد

تله فون نومروسی : ۸۶۵
" Idjtihad " Constantinople

بشنجی سنه

اشعار

حریت فکریه یه خادم

هر هفته چیقار اجتماعی ، ادبی مجموعه

مدیر مرخص : الرهامی صفا

۲۲ مایس ۱۳۳۰

آبونه

سنه لك آلتی آیلق
تورکیا ایچین ۵۰ غروش ۳۰ غروش
ممالك اجنیه ایچین ۱۵ فرانق ۸ فرانق

نسخه سی ۵۰ یاره به

وقایع اقتصادی و مالی

حجله ابکار

« چیتچی قیز » دن مقرر

کیمسه سز قالدی شو واسع تارلا
هادی قوش ، محرم یامگه کیت .
شوشی طوپراغی شن شن چاپالا ،
نغمه شکری شو طوپراقدن ایشیت .

کیت ای امید مجسم آرتیق
سنی بر سینئه حسرت بکیر ؛
طورماه کرمی خیالاتکه چیق ،
بوخیالات اوله جق صوکره هدر .

ای سویدای معزز ! طورما
بکبور وصلکی بر قلب تپی ،
برکوزل قلبی صافین طوردیرما .

آله جق دست کرمکارکدن
بوتون افسرده لر عمر ابدی ،
طوله جق بیک کیجه انوارکدن .

X

چاپا ککک اضرئه موزونه سنی
دائما قارشیلایور طوپراقدن
باشقه بر نغمه شکران ؛ و سنی
بوله تبریک ایدیور روح جهان .

یای عریانکی بوس ایلرکن
آرتیور طوپراغک اشواقی بوتون ،
ایسته یور رشک ایله اشیاستندن
زیر پایگده کی اذواقی بوتون .

ایسته یور مست جالک هر سو
زیر پایگده زیلک هر کون ،
سندن اشباح بوتون نعمت جو .

وارکن عالم کبی پای اندازک
روی مشکوک امیدک کولسون ،
اوزاسین خنده فراز آوازک .

طرابلس غرب - مایس ۱۳۱۴

زعیم زاده صبر فرمی

مجلس مبعوثانک اجتماع و بودجه بی تصدیق ایدمه مسی
حسیله سنه حالیه مارت ، نیشان و مایسنه مخصوص اولوق
اوزره اوچ آیلوق بر قانون موقت قلمه آلمش و اراده
سنیهیه اقتران ایتدیرلمشدی . اوچ ماده دن عبارت اولان
قانون مذکورک برنجی ماده سنده « بیک اوچ یوز اوتوز
سنه سی مارت ، نیشان و مایس آیلرنده خدمات عمومی
دولتک ایقاسی ایچون دوائر نامنه سنه مذکور موازنه
عمومیه سنه محسوباً ۸۷۷،۴۱۲،۲۹۲ غروش تخصیصات
اعطا قلمشدر . شوقدرکه بیک اوچ یوز اوتوز سنه سی
موازنه عمومیه قانوننک یا لکزمصارف اوزرینه وقوعبولان
ضمائم و تنزیلات حقنده کی احکامی اشبو اوچ آی مصارفه ده
شامل اوله جقدر . « دنیلور . ایکنجی ماده ده الحاله
هذه جیسایت ایدلمکده اولان تکالیفک اخذینه دوام
اوله جنی ؛ و اوچنجی ماده ده دخی ۳۲۴ سنه سی تموزی
ابتداسندن تموزی نهایتنه قدرمدته عائد دپونک ۳ مایس
سنه ۳۲۵ تاریخلی فوق العاده بودجهیه توفیقاً تخصیصات
منضمه اوله رق تسویهیه دوام ایدیه جکی کوستریلیور .

مؤخرآ نشر ایدیلن ایکی ماده لک بر قانون موقته ده
شهزادکان و سلطانلر حضراتنک معاشاتنه ضمائم مناسبه
اجرا ایدلمش ، و قانونک برنجی ماده سنه کوره ضمائمک
ایکی آیلوق مقداری یوز قرق بش بیک غروشدن عبارت
بولنمشدر . مجلس مبعوثانک منعقد اولمادیقی زمانلرده
قانون موقت اصداری ضروریدر . انجق مجلس مبعوثان
اجتماعه باشلایه جنی ایچون مبعوثین محترمه نک عمومی
بودجهیه دیگر آیلره عائد مصارفات ایچون قانون
نشرینه ده حاجت قالمه دن تدقیق و قبول ایله لرینی تمی ایدرز .

استانبول لیماننک احتیاجه غیر کافی اولدینی هر طرفه
سویلنمکده در ، تاجرانک ده بو خصوصده سز یلیدی و شکایانده
بولنمقده اولدینی نظر دقته آلا ن مرجع عائدی بومسئله نک
تذکری ایچون بر قومیسسیون تشکیل ایتمش ، و مسئله
مذکور قومیسسیونده دور و دراز تذکر ایدلمشدر .

ایکنجی ماده ایفا ایدہ جکی معاملاتنی تعداد ایدیور .
مہم اولدینجی ایچون عینا بوسونلره کچیرلم :

مادہ ۲ — زراعت بانکہ سی آتی الذکر معاملات ایله
اشتغال ایدر .

اولا — منحصرأ زراعه و احباب اراضی به و صنایع زراعیه
اربابنه و زراعت و شعباتک ترقیسی مقصدیله تشکیل ایدن
شرکتلره ایچہ اقراض و حساب جاری کشاد ایدر .

ثانیاً — بانکہ مجلس اداره سنک قراری اوزرینه حصہ
سندلرندن مبايعه صورتیله بونوع شرکتلره مشارکت ایلر .

ثالثاً — لدی الحاحه حیوانات و تخملق و سائرہ آلات
و ادوات زراعیه جلب و تدارک ایدرک ایمانی بروجہ پشین و یا تقاسیط
معینہ ایله استیفا ایدرک اوزرہ بونلری بیع ایلر .

رابعاً — مرکز مجلس اداره سنک قراری و حکومتک اذنی
ایله اواضی اشترأ و تفرغ و ایجابینده تقسیم ایدرہ و بدانی مقسطاً
ایفا ایتک اوزرہ اہالی به بیع و فراغ ایلر .

خامساً — وعدہ معینہ ایله و یا حساب جاری صورتیله
تودیع اولنان نقودی قبول ایلر .

سادساً — اجرت مقابلندہ نقل نقود معاملہ سی اجرا ایدرہ .

سابعاً — قانون دائرہ سنندہ تشکیل ایدوب بانکہ مجلس
ادارہ سنجہ شایان اعتبار کوریلن زراعت قوئو یراتیف
شرکتلرینک سندات و اوراق تجاریہ سی ینہ مجلس اداره جہ تعین
اولنہ جتی حدود و شرائط دائرہ سنندہ اسقونطو ایلر .

مواد متعاقبہ دہ بانکہ نک اقراض و استقراض و تودیعات
معاملاتیله تأمینات و مرہوناتک فروختی معاملاتیندن بر
کونا خرج و رسم آلمیہ جنی و رسم تمغا قانونی موجبنجہ
تماماً معاف بولنانلردن بشقہ مستقر ضلردن هر بری ایچون
بیك غروش و یا دہا دون مقداری اقراض سنداتیله بو
مقدارہ قدر ضمیمہ ایدیلہ جک اقراضات ایچون یازیلہ جق
شرحلرک ، بانکہ نامنہ تنظیم اولنان تصرف سنداتک ،
زراعت بانکہ سنجہ تنظیم اولنان دیوزیتو علم و خبرلرینک ،
اموالک مزایده سنندہ طالبلر طرفندن پی اولہ رق بر اقیلان
نقد دیوزیتولر مقابلندہ و یریلہ جک مقبوض علم و خبرلرینک
بانقہ جہ اداره ایدیلن اموال غیر منقولہ ایجار مقاولہ نامہ لریلہ
بونلره یازیلان کفالت شرحلرینک دخی تمغا رسمندن
معاف اولہ جنی محرر در . زراعت بانکہ نیلہ شمندی به قدر
معاملہ یانلرک پول و خرج یوزندن نہ درجہ متضرر
اولدقلری دوشونیلیرسہ معافیت اخیرہ نک بخش ایدہ جکی

مطبوعات یومیہ نک اعطا ایتدیکی معلوماتہ کورہ
ریختیملر غیر کافی اولدیغندن استانبول و غلطہ جہتلرینک
تمدیدنی ، ترانسیت دہ بولری ایچون ریختیمک استانبول
جہتندہ سرای برونسہ قدر تمدید ایدیلہ جک قسمندہ
انشاسی لزومنی قومیسینون تکلیف ریختیم شرکتی دہ
معاملات تجاریہ به تخصیص اولمق اوزرہ مبانی جدیدہ
انشا ایلمکی تعہد ایتشد .

بوندن ماعدہ غلطہ ریختیمک توسیعی مسئلہ سنک دہ
احتیاجات جدیدہ لزوم کوستردیکی تقدیر دہ قوم قودہ
یکی برلیمان انشاسی ایله برلکدہ تدقیقی و ماونلر ایچون
قومیسینون طرفندن قلمہ النان نظامنامہ نک در حال تصدیقی ،
الکتریکلہ تنویری ، موجود شمایدیرلرک تزییدی دہ
موضوع بحث اولمش ، و بونلرک دخی جملہ سی قبول
اولنشد . بناءً علیہ پک زیادہ کشمکشلرہ ، و فضلہ اولہ رق
شکایتلرہ بادی اولان شو مسئلہ نک تدابیر واقعہ ایله اوکی
التهجنجی امید ایدرز .

اولکی آیک وقایع مالیہ و اقتصادیہ سی تلخیص ایدرکن
اوقاف بانکہ سنک تشکلی مملکتک استقبالی نقطہ سندن فال
خیر عد ایتمش و بونی مارت آینک اہم وقایعندن عد
ایلہ مشدک . زراعت بانکہ سنہ عائد قانون جدیدہ بو آیک
وقایع مہمہ سی تشکیل ایدر . مذکور بانکہ نک ممالک
عثمانیہ دہ کی برچوق شعبہ لری بولمق حسیبلہ حالاً ایدہ
بیلہ جکی خدمت شبہ سز اوقاف بانکہ سنک یاپہ بیلہ جکی
خدمتدن بویوکدر . تصدیق عالی یہ اقتران ایدن قانون
موقتک برنجی مادہ سنندہ بانکہ نک «زراعتک تہوین احتیاجانی
و زراعتک تأمین ترقیسی مقصدیله تأسیس ایدلمشدر .»
دیلیلور . بو بانکہ نک بدایت تأسیسیندہ عین مقصد
کوزمکلیش ، و فقط وضع اولنان قیود و شروط — عظیم
فائدہ سی کورلمککله برابر — حصول مقصدہ تماماً خدمت
ایدہ مش ایدی . بو دفعہ ایسہ قیدلر برارچہ کوشہ دیلیور ؛
وبناءً علیہ زراعتک بارہ استقراضی اولکنہ نسبتہ پک
چوق تسہیل ایدیلور . بو سبیلہ بانکہ نک ارتق حقیقی
بر زراعت بانکہ سی اولدیغنے و مملکتہ جدأ بیوک خدمتلر
ایدہ جکنہ شبہہ قالماز .

هر مزقویر و غنی صالایه رق و یوزیمزه باقه رق مکالمه مزه
اشترک ایدیوردی . چیقمه حاضر لاندیغمزی کورنجه
قابودن دیشاری به اُک اول کندیسی آتلدی . سلیم بک
قالین باستوتی آلوب بنی تعقیب ایتدی .
چوبان یولی اولدقجه میلی ایدی . او ، اختیارلغه
رغمًا بنم قدر حیزلی یوروور و سوله یوردی :

— تا یوقاری به چیقالم ، اولادم . نه قدر چیقارسه ق
او قدر یوکسلیرز . طاغلرده ، روحی تصفییه ایدن معنوی
بر قدرت واردر . کونشک حرارتلی ضیاسیله هر کون
بیقاندینی ایچونمی ، متمادیا کبود سمایی تماشا ایتمه سندنی ؟
کوچوک ، بویوک هر طاغک ذروه سنده بر آرز طور سینا ،
قارمل ویا جیل حرا قدسیتی موجوددر . کاشکه بوتون
عبادتخانه لر بیت المقدس کبی طاغلرده انشا ایدلسه ده
ارباب ایمان امور دنیویه عودت لرنده صافیت سماویه دن ،
عظمت ربانیه دن بر رنبذه طاشیه رق اینسه لر ..
قورتلر کبی خیرچین و حریص کلسه لرده ، قوزولر
کبی طاتلی و حلیم کیتسه لر ! اوت عزیزم ، حیوانات
سارینی بک بیلیمه یورم . فقط انسان الواح طبیعیه دن
بک بویوک ، بک فائده لی بر حصه آله بیلیر . یرده و کؤکده
بولتان بدیعهلری احاطه لی بر نظرله کوره بیلیمک ایچون
یوکسک یرلره چیقملی . دماغی ، خاطره بی ، حساسیتی
اوراده دیکاندیرملی . ظن ایتمه که هوای نسیمینک طبقات
علیاسنه چیقارکن یالکوز وجودک اعتلا ایدر ؛ او محیط
عالیده برابر کده طاشیدیفک جمله عصیه نک طرز تحسی ده ،
عقلکک بر استقامت فکریه سی ده دیکشیر . باقی ، دنیاده
اک ممتاز بر شی اولان فکر الوهیت مقام تقدیس و تعظیمده
نرلره قدر اصعاد ایدلمش ! اسکی مصریلر زماننده
اوکوزک ، تمساحک ، ییلانک وحتی فاره نک وجودنده
ایکن ، یونانلیر آنی اولمپوسه نقل ایتدیلر ؛ کلدانلیر
ییلدیزلره ایصال ایتمشلردی ؛ بز کافه عوامک فوقنده
اولدیفته اعتقاد ایدیورز ؛ یارین شهسز جهان تفکرک
بوسبوتون خارجنده بر موقع معلایه چیقاریله جق . فکر
الوهیت یوکسلدکجه دیکر فکرلرده ، حسلرده یوکسلور .
ذکای بشر آرتق ذلیل ، سفلی شیلره تنزل ایتیه یور .

فائده در حال تسلیم اولنور . دیکر ماده لرده ده زراعه ،
وزراعت شرکتلرینه دأثر معاونت و تسهیلاتی حاویدر .
بویله بر قانونک نشرندن طولای مقام عائدینه تشکرا یتمک ،
وزراع ایله شرکتلر ایچونده بعدما یوکسک فائضلی پاره لره
رغبت ایدلمیه رک کندیلرینه هر درلو معاونتی ایفایه آماده
بولتان زراعت بانقه لرله معامله به کیرشمک فریضه در .

محمد زکی

منزوینک ترهاتی

— ۲ —

اختیار دوستم کوشکک پنجره سنده غریق سکون
وسرمست خیال بر حالده ایدی . طالعین ، بهوش نظرلری
اوزاقلره فرار ایتمش ؛ پنجره نک چارچیوه سی آراسنده
ذی حیات بر نیم هیکل کبی حرکتسز ، افقده پارلدایان
کونشک ، انخالی ویشیل تپه لرک ، آغاچ قافله لرینک قارشیسنده
یاب یالکوز قالمشیدی . باقیور ، فقط نه تپه لرک یشیلیمکنی ،
نه آغاچلرک وضعیتی ، نه ضیای شمسی کورمه یور ؛ انکین
بر بوشلق انظاری ایله موجودیتنی آرییوردی .

بو بوشلقدن یوکسکجه برصدا ایله :

— بنی می / بکه یورسکوز ، سلیم بک ؟

دیدم . منزوی اویاتیر کبی بر حرکت یایدی ، بنی کوردی
و بویوک برسوینچ ایله اشاغیکی قابویه قدر استقباله کلدی .
— آرقالدی بنم یریمه بوسته موزعنی استقبال ایده جکدیکز .

— نه به ؟

— بر مانع ظهور ایتشدی . برکت ویرسین بر حیله
شرعیه ایله اوکنی آلدیم : دعوتکزه اجابت ایتمک فرصتی
قاچیرماق ایچون ...

— بک اعلا اوغلم . بویورک ، یوقاری چیقلم .

— دهامک وقتی کله دی ، ظن ایدرم . او طهده
اوطوراجغمزه باغچه ده بر آرز کرسه ک ، یاخوده ، کوشکک
آرقه سنده کی چاملره هیچ کیتهمه ، اورایه چیقسه ق
اولمازمی اقدم ؟

— های های نه به اولماسین ؟ آچیق هواده کزیمک
البته مر جحدر .